

# Platt partu:

Rundbreef 09-2023

## Aarndank, dat schöne Fest, beginnt, wenn sik bi uns uns Gäst befinnt.

Moinmoin, leve plattdüütsche Maten un Frünnen!

Aarndank is twoors eerst in'n Oktobermaand, avers de September, de vör uns liggt, föhrt uns hen. Wi hööpt op en schönen Ollwieversommer un kiek ünnerdess trüch op den Aarnmaand bi Plattpartu -- twoors deelwies [verregnet, avers schön](#) un op jeden Fall noch en lütt beten en Ferienmaand för uns, ok wenn dat [fröher en Maand vull harte Arbeit weer](#). So pö à pö hebbt [Landmaschiens de Minschen bi de Arbeit hulpen](#); wi seht [de ole Tied vör de industrielle Landweerschop as en Idyll](#), man wi lengt uns nich dorhen trüch. Liekers, de Sommer bringt [droomschöne Blööm in de Goorns](#), un mit [all de Planten un Deerten](#) un Leckerien ut de Goorns ([ok wenn een mal en falschen Griff deit](#)) blifft de Sommer [en Tied vun köstliche Erinnern](#). Wat dat [in de Tokumst so blifft, is fraaglich](#); de Natuur wannelt sik. Man opstunns [blöht eerstmal wedder de Georginen](#), un denn kümmt al wedder de [Treckeltied, de ok mi dat Hart ut'n Lief treckt](#).

Natüürlich giff dat ok Vagels, de nich treckt; dorto höört wiss [de Kosmoopteryx, den Ludgerd Lüske opfunnen hett](#). Ok uns Hoffhühner treckt nich -- utnahmen [in den Kamp för en gallinistisch Revoluschoon](#). Un al [gor nich flegen deit de Bunds-Airbus](#). Na good, de Süüdsee is beten wied, ok för en Toogvigel. Villicht ganz good so; mennig Lü [treckt in feerne Länner un verhungert dor](#). Ansünsten [wart Politikers afschaten orr ok nich](#), un [Maat Jan bööt ehr in](#) -- dat nütt allens nix.

Wat bröch de Aarnmaand noch? [De lütten Kinner woorn inschoolt!](#) Natüürlich nadat se beten grötter worrn sünd -- [de gaaanz jungen Öllern hebbt ja nix to lachen](#). Kinner [dreept faken den Nagel op den Kopp](#). Man ernst kann dat ok ween, [wenn Kinner in'n Verkehr in Gefohr kaamt](#).

Dat is meist allens, wat wi düssen Maand henkregen hebbt. Sünst giff't [bloots noch Tüdelkraam](#).

Leve Maten, nu wünsch ik Se un Juuch all en wunnerschönen Sommer-Utklang mit Aarndank! Wi leest uns direktemang na dat Aarndankfest wedder. Hollt sik fuchtig!

---

Nu de Linkliste. Op de Links bruukt Se bloots klicken, dat Se henkaamt.

### Plattdüütsch Künst:

[Notizen ut'n Sneemaand](#). Fotos un Verse vun Marlou Lessing (12.8.)

[Kosmo-Opteryx](#). Van Ludgerd Lüske (7.8.)

[Kalenner 2023: August — Austmaand](#). Vun Erika Fischer (5.8.)

### De Welt un Gott:

[De schiet Toilett](#). Vun Klaus-Dieter Tüxen (27.8.23)

[Netteln, Wustkrut un Kattenstiirt up'n Kåtenbarch](#). Vun Behrend Böckmann (18.8.)

[Knipp](#). Vun Heinz Tiekötter (17.8.)

[En Steen op de Seel](#). Vun Berthold Cordes (13.8.)

[Kuurnaust](#). Vun Behrend Böckmann (13.8.)

[So rüükt un smeckt en Sommerdag](#). Vun Meike Balzer-Fraun (11.8.)

In't [Notizbook vun't Erinnern](#):

[Tüdelkram](#). Vun Meike Balzer-Fraun (8.8.)

### **Natuur un Wetenschap:**

[Sowat vun wunnerlich!](#) Vun Meike Balzer-Fraun (18.8.)

[Georginen](#). Vun Behrend Böckmann (17.8.)

[Dei lesenbâhn-Bom-up-un-dâl-dreiher-Blaum \(Taglilie\)](#). Vun Behrend Böckmann (11.8.)

In't [aktuelle Natuur-Notizbook](#):

[Leven op'n Karkhoff](#). Vun Marlou Lessing (28.8.)

[Smucke Pionier](#). Vun Marlou Lessing (27.8.)

[Springkruut](#). Vun Jasmin Apcin (24.8.)

[Drakenkruut](#). Vun Jasmin Apcin (8.8.)

[Schönheit van't Regenweder](#). Van Ludgerd Lüske (6.8.)

### **Wat in de Welt vörgeiht:**

[Dei Fuud \(Food\)-Bloggersch](#). Vun Behrend Böckmann (28.8.)

[Dei Südseereis](#). Vun Behrend Böckmann (22.8.)

[Dat Gliekstellungshauhn](#). Vun Behrend Böckmann (14.8.)

[Maat Jan: De Ampel inböten](#) (12.8.)

In't [plattdüütsche Notizbook](#) vun Marlou Lessing:

[De letzten Politikere](#) (31.8.)

[Prigoshin dood? Nee!](#) (24.8.)

### **För Kinner:**

Modder Sünn ehr Kinner: [De kloke Klock](#). Märken vun Sophie Reinheimer, överdragen vun Klaus-Dieter Tüxen (27.8.)

### **Platt to Hand:**

[Riemel för junge Öllern](#). Vun Sibilla Frerich (28.8.)

---

Hartlich grööt

Marlou Lessing un dat lütte Plattpartu-Team